

(39) سحر

سحر يا سحر يا ساقيانى المر
عمّال افكر فيكي م الصبح لوقت السّحر
لو يبص لها زيد أو يبص عمرو
يا ويلهم تبقي ايامهم أحرّ من الجمر
لو حد يزعلها أو يبخلق فيها
أخلي دمع عنيه قوام ينزل بالأمر
غايبه بقي لها يومين
لا جس ولا خبر
سّحر دي عندي يا ناس
أخلي م القمر
سحر يا سحر يا ساقيانى المر
عمّال افكر فيكي م الصبح لوقت السّحر
ساكنة جوه خيالي
واغلي من عمي وخالي
بالي بها مشغول
وهي بالها خالي

يا حلورق شوية
ولا تبصش في العالي
يا عم كفاية أسية
يا ريت تريح بالي
سحر يا سحر يا ساقيانى المر
عمال افكر فيكي م الصبح لوقت السحر
بحر الحب ماله ارار
عمال يعذب فيه
يا ما حيرني وياما جار
ووراني الأسية
راحه وجايه عليه
مش عاوزه تفكر فيه
يا ستي حني عليه
الحب مش بأديه
سحر يا سحر يا ساقيانى المر
عمال افكر فيكي م الصبح لوقت السحر
